



Sofia Geisler
Inuit Ataqaṭigiit sinnerlugit Inatsisartunut ilaasortaḡ
inatsisartut@inatsisartut.gl

§ 37 naapertorlugu apeqqut nr. 111/2020-mut akissut

Inatsisartut Suleriaasianni § 37, imm. 1 naapertorlugu Naalakkersuisunut imaattunik apeqquteqarputit. Apeqqutigisatit uannit akineqartussatut innersuunneqarput.

- 1. Inatsisartut 2019-imi upernaakkut ataatsimiinnerminni akuersissutigaaṭ kræftimik nappaateqarnerup paasineqarnerata kingorna ullut 28-it qaangiutsinnagit kræfteqartut katsorsarneqarnissamut pilersaarusiunneqartarnissaannut aamma kræftimik eqqugaasimalluni paasineqarnermiit sivisunerpaamik ullut 30-vit qaangiutsinnaagit katsorsarneqarnerup aallarereersimasarnissaanik qularnaarisoqartalernissaanut misissueqqissaarinissamut apeqqutit qulaajarneqarnissaanut Naalakkersuisut kingusinnerpaamik UPA 2020 peqquneqarnissaat.**

- a. Aalajangerneq malillugu 2020-imi upernaakkut saqqummiunneqartussap qulaajaanerup suliarinera sumut killippa?**

Akissut:

Kræftimut suliaasaqarfimmi katsorsarneqarnerup aallarereersimasarnissaanik qularnaarisoqartalernissaanut misissueqqissaarinissaq pillugu apeqqutip akineqarnissaani ilaatigut Kræftimut pilersaarutip nalilersorneranit paasissutissat angusallu apeqqutaapput. Paasissutissanik attuumassuteqartunik naliliilluni sulissutiginnillunilu suliaq naatsorsuutigeqqaarneqartunit annertuneruvoq. COVID-19-ip nassatarisaanik nukissanik atuineq tunngavigalugu tamatuma kinguneraa kræftimut pilersaarutip nalilersorneqarnera kingusinaarmat.

Inatsisartut 2019-imi upernaakkut ataatsimiinnerminni aalajangiiffigissaanni apeqqutit akissutaat qaqugu saqqummiutissallugit Naalakkersuisut pilersaarutigaaṭ?

Akissut:

Katsorsarneqarnerup aallarereersimasarnissaanik qularnaarisoqartalernissaanut pillugu apeqqutinut akissutit kingusinnerpaamik Inatsisartut 2020-mi Ukiakkut ataatsimiinneranni piareersimanissaat naatsorsuutigineqarpoq.

Inussiarnersumik inuulluaqqusillunga

Anna Wangenheim

08-07-2020
Sags nr. 2020 - 11154
Akt nr. 14112044

Postboks 1160
Tlf: 34 50 00
Fax: 34 55 05
3900 Nuuk
Email: pn@nanog.gl
www.naalakkersuisut.gl